

YR AELOD CABINET DROS WASANAETHAU TRAFNIDIAETH, GWASTRAFF A SEILWAITH

DYDD Mercher, 7 Chwefror 2024

YN BRESENNOL: Y Cynghorydd: E.G. Thomas (Aelod o'r Cabinet)

Roedd y swyddogion canlynol yn bresennol:

T. Evans, Cyllunydd Trafnidiaeth - Is-Adren Priffyrdd a Trafnidiaeth

E. Bryer, Swyddog Gwasanaethau Democrataidd

Cabinet Member Office & Remote - County Hall, Carmarthen. SA31 1JP. - 2.00 - 2.00 yp

1. DATGANIADAU O FUDDIANNAU PERSONOL

Ni ddatganwyd unrhyw fuddiannau personol.

2. LLOFNODI YN GOFNOD CYWIR GOFNODION Y CYFARFOD A GYNHALIWYD AR 9FED IONAWR, 2024

PENDERFYNWYD bod Cofnod Penderfyniadau cyfarfod yr Aelod Cabinet dros Wasanaethau Trafnidiaeth, Gwastraff a Seilwaith, a gynhaliwyd ar 9 Ionawr 2024 yn cael ei lofnodi gan ei fod yn gywir.

3. CYFLWYNO TWMPATHAU ARAFU ARFAETHEDIG YM MHONT-HENRI

Rhoddodd yr Aelod Cabinet ystyriaeth i adroddiad a oedd yn gofyn am gymeradwyo cynigion i gyflwyno twmpath ffordd â brig crwn ar (y B4317) Riw'r Myrtwydd. Cyflwynwyd y twmpath hwn fel rhan o gyfres o fesurau i arafu traffig a gwella diogelwch cerddwyr ledled pentref Pont-henri.

Mae'n ofyniad statudol i hysbysebu cynigion ar gyfer twmpathau ffordd o ran cael sylwadau a gwrthwynebiadau gan y cyhoedd. Cafodd y cynigion ar gyfer Pont-henri un gwrthwynebiad gan un aelwyd.

Amlinellodd yr adroddiad fod Rhiw'r Myrtwydd yn ffordd breswyl sy'n cael ei defnyddio'n aml ac sy'n cysylltu Pont-henri â Phontyberem i'r gogledd. Nodwyd bod y darn lle bwriedir lleoli'r twmpath ar waelod bryn serth sy'n arwain yn uniongyrchol at ardal fwyaf poblog y rhan hon o Bont-henri. Ers 17 Medi 2023 roedd terfyn cyflymder y ffordd wedi'i ostwng i 20mya ac roedd Arwyddion Adborth i Yrwyrr (DFS) wedi'u lleoli ar fannau penodol ar hyd y ffordd i atgoffa gyrwyr o'u cyflymder presennol.

Nodwyd bod gan y gymuned leol bryderon ers tro ynghylch cerbydau'n gyrru ar gyflymderau amhriodol ar hyd y ffordd. Mynegwyd hyn yn ystod digwyddiadau ymgynghori cyhoeddus ar gyfer datblygu'r cynnig am gyllid Llwybrau Diogel mewn Cymunedau a chafwyd cefnogaeth gan yr aelod lleol yn ystod trafodaethau parhaus.

Rhoddodd yr Aelod Cabinet ystyriaeth i gynnwys yr adroddiad a oedd yn darparu gwybodaeth fanwl mewn perthynas â'r canlynol:-

- Cynnig Arafu Traffig – Cyllid
- Cynnig Arafu Traffig – Y Dyluniad Cyfredol
- Gwrthwynebiadau
- Arolygon Cyflymder Traffig

Rhoddodd yr Aelod Cabinet ystyriaeth i un ar ddeg o wrthwynebiadau a gafwyd gan un aelwyd a ddaeth i law yn ystod y cyfnod ymgynghori statudol gan Bennaeth Gweinyddiaeth a'r Gyfraith y Cyngor, fel y nodwyd yn yr adroddiad, ynghyd ag ymatebion y swyddog iddynt. Rhoddwyd cyfle i'r Aelod Cabinet weld y copïau llawn o'r gwrthwynebiadau a gafwyd.

PENDERFYNWYD bod y gwrthwynebiadau'n cael eu nodi a bod y cynllun arafu traffig yn cael ei gyflwyno, gan gynnwys yr holl dwmpathau ffordd a restrir yn yr adroddiad.

AELOD O'R CABINET

DYDDIAD